



KOMUNIKADO PA PRENSA

Fecha

3 di novèmber 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

RIBA KAMINDA PA MANEHO DI MOBILIDAT INTEGRAL, INOVATIVO I INKLUSO

Willemstad - Nos tin ku yega na un bon maneho tokante kon pa hende i bienes ta move di un punto pa un otro na Kòrsou, ku ta tene kuenta ku futuro desaroyo di nos pais. P'esei Minister Suzy Camelia - Römer di Ministerio di Tráfiko, Transporte i Planifikashon Urbano a organisá awe un promé enkuentro, den un trayekto pa yega na un vishon i maneho integral di mobilidat pa Kòrsou. E mandatario a sinta huntu ku representantenan di organisashonnan ku ta kai bou di su kartera. E grupo a diskutí ampliamente kon pa yega na un maneho di mobilidat ku ta brinda tur habitante di Kòrsou un bida mas fásil i agradabel.

Énfasis di e mainta akí tabata riba transporte públiko, ku ta un aspekto importante di mobilidat den nos pais. Representantenan di Fundashon pa Konsumidó i Autobusbedrijf Curaçao tabata oradonan eksterno ku a splika tokante nan ròl den transporte públiko i nan retonan. Fundashon pa Konsumidó tin un investigashon andando, bou di hende ku ta hasi uso di transporte públiko, ku por duna datonan balioso pa inkorporá den e maneho. Riba termino korto ta toka turno na otro aktornan den e sektor di mobilidat pa dialogá tokante mobilidat. Eseinan ta, entre otro, representantenan di organisashon di bùsnan chikí i taksi i ekspertonan den area di infrastrukutura.

Na e manera integral akí, dentro di algun luna, ta yega na un maneho di mobilidat, atraves di solushonnan inovativo ku ta tene kuenta ku integrashon di tur hende ku ta biba na Kòrsou i ku esnan ku ta bishitá nos pais.